



Në mbështetje të Nenit 4 dhe 23 të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-031, datë 25. 05. 2016), Nenit 7 dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetëror i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet pjesërisht kërkesa e Universitetit të Gjakovës "Fehmi Agani", Nr.1455/18H, datë 31.10.2018 për riakreditim/akreditim të programeve të studimit:
 - Punonjës social, BA, 180 ECTS, dhe
 - Gjuhë dhe Letërsi Angleze, BA, 180 ECTS.
- II. Ky vendim hyn në fuqi me nënshkrimin e tij.

Arsyetimi

Universiteti i Gjakovës "Fehmi Agani", ka parashtruar kërkesë (kërkesa Nr.1455/18H, datë 31.10.2018) në Agjencinë e Kosovës për Akreditim për riakreditim dhe akreditim të programeve të studimit si në vijim: Punonjës social, BA, 180 ECTS, Gjuhë dhe Letërsi Angleze, BA, 180 ECTS, Mjekësi familjare dhe Kujdes Paliativ, MSc, 120 ECTS, Shkenca e mësimdhënies në Gjuhën dhe Letërsinë Shqipe, MSc, 120 ECTS.

Bazuar në Nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 15 dhe 16 janar 2019 ka trajtuar aplikacionin e Universitetit të Gjakovës "Fehmi Agani" (tash e tutje Universiteti).

Bazuar në pikën 1.2 të Neni 10 të UA për Akreditim, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së", KShC erdhi në përfundim se programet e studimit, Punonjës social, BA, 180 ECTS, Gjuhë dhe Letërsi Angleze, BSc, 180 ECTS, nuk i plotësojnë kushtet ligjore për aprovim.

Bazuar në Nenin e referuar më lartë, KShC në mbledhjen e mbajtur më 15 dhe 16 janar 2019 ka trajtuar aplikacionin e dorëzuar nga ky Universitet. Sipas të dhënave të prezantuara nga raporti përmbledhës për programet me të cilat ka aplikuar ky institucion, dhe pas analizimit të detajuar të dokumentacionit të prezantuar nga ky institucion për stafin akademik, KShC aprovoi pjesërisht kërkesën për këtë aplikacion, dhe në mungesë të stafit akademik të fushës së programit të studimit, ashtu siç parashihet me Nenin 26, pika 5.3.4 e UA për Akreditim, dhe bazuar në Nenin 10, pika 1.3.2, KShC mori vendim për refuzim të aprovimit të aplikacionit për programet e studimit si në vijim: Punonjës social, BA, 180 ECTS, Gjuhë dhe Letërsi Angleze, BA, 180 ECTS.

Bazuar në Nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit"*.

1. Për programin e studimit: *Punonjës social, BA, 180 ECTS*, si bartës të këtij programi Universiteti i Gjakovës ka paraparë këta persona: Shefqet Mulliqi (PhD në Punë Sociale), Elizabeta Osmanaj (nuk është e deklaruar në e-akreditim) dhe Nexhmije Kastrati (PhD në Shkenca Filologjike).

Sipas paragrafit të fundit të Nenit 26, pika 5.3.4 e Udhëzimit Administrativ për Akreditim, kërkohet që: *"për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit"*. Programi i studimit *Punonjës social, BA, ka 180 ECTS*, andaj duhet të ketë të paktën tre persona me gradën akademike PhD, nga fusha e programit të studimit. Shefqet Mulliqi është PhD në Punë Sociale, ndërsa Nexhmije Kastrati është PhD në Shkenca Filologjike. Elizabeta Osmanaj nuk është e deklaruar në AKA sipas dispozitave ligjore të parapara me Nenin 30 të UA për Akreditim dhe e njëjta nuk konfirmohet që ka marrëdhënie të rregullt të punës në këtë institucion. Znj. Elizabeta Osmanaj nuk është shtetase e Republikës së Kosovës, dhe e njëjta duhet të dorëzoj dëshmi sipas pikës pesë (5) të Nenit 30 të UA për Akreditim.

Sipas pikës, *"Për qëllim të akreditimi, stafi akademik të cilët nuk janë shtetas të Republikës së Kosovës, duhet të posedojnë leje qëndrim dhe leje të punës në Republikën e Kosovës. Po ashtu ky staf akademik duhet të sjellë dëshmi nga institucioni relevant nga vendi i origjinës (p.sh. Administrata Tatimore) që nuk ka marrëdhënie të rregullt të punës në vendin e origjinës"*. Bazuar në dispozitën e referuar më lartë dhe faktin që një dëshmi e tillë nuk është dorëzuar në AKA nga znj. Elizabeta Osmanaj, e njëjta nuk mund të jetë bartës i programit të studimit, pasi që nuk plotëson kriteret e parapara me Nenin 30 të UA për Akreditim.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit të refuzoj aprovimin e aplikacionit për programin e studimit *Punonjës social, BA, 180 ECTS*.

2. Për programin e studimit: *Gjuhë dhe Letërsi Angleze, BSc, 180 ECTS*, si bartës të këtij programi Universiteti ka paraparë katër persona: Shqipe Husaj (PhD në Shkenca Sociale profili Psikologji – Pedagogji), Labinot Berisha (PhD në Letërsi) dhe Armela Panajoti (nuk është e deklaruar në e-akreditim).

Sipas paragrafit të fundit të Nenit 26, pika 5.3.4 e Udhëzimit Administrativ për Akreditim, kërkohet që: *“për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Programin e studimit: *Gjuhë dhe Letërsi Angleze, BSc, ka 180 ECTS, kredi, dhe rrjedhimisht duhet të ketë të paktën tre PhD nga fusha e programit të studimit.* Shqipe Husaj është PhD në Shkenca Sociale profili Psikologji – Pedagogji dhe Labinot Berisha PhD në Letërsi. Armela Panajoti nuk është e deklaruar në AKA sipas dispozitave ligjore të parapara me Nenin 30 të UA për Akreditim, dhe e njëjta nuk konfirmohet që ka marrëdhënie të rregullt të punës në këtë institucion. Po ashtu znj. Armela Panajoti nuk është shtetase e Republikës së Kosovës, dhe e njëjta duhet të dorëzoj dëshmi sipas pikës pesë (5) të Nenit 30 të UA për Akreditim. Sipas pikës, *“Për qëllim të akreditimi, stafi akademik të cilët nuk janë shtetas të Republikës së Kosovës, duhet të posedojnë leje qëndrim dhe leje të punës në Republikën e Kosovës. Po ashtu ky staf akademik duhet të sjellë dëshmi nga institucioni relevant nga vendi i origjinës (p.sh. Administrata Tatimore) që nuk ka marrëdhënie të rregullt të punës në vendin e origjinës”.* Bazuar në dispozitën e referuar me lartë dhe faktin që një dëshmi e tillë nuk është dorëzuar në AKA nga znj. Armela Panajoti, e njëjta nuk mund të jetë bartëse e programit të studimit, pasi që nuk plotëson kriteret e parapara me Nenin 30 të UA për Akreditim.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, dhe bazuar në Nenin 26, pika 5.3.4 e Udhëzimit Administrativ për Akreditim, të refuzoj aprovimin e aplikacionit për programin e studimit *Gjuhë dhe Letërsi Angleze, BSc, 180 ECTS.*

Këshillë juridike: Kundër këtij vendimi pala e pakënaqur mund të paraqes ankesë sipas Nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në Nenin 128 të LPPA, në afatin prej 30 nga dita kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Universiteti i Gjakovës “Fehmi Agani”;
- MASHT-it;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

